

光緒甲午春月

靈徵錄

毘陵何氏敬刊

常州陽邑廟
神醫殿藏板

光緒甲午春日



序

前明劉雲山江陵人也係

博學士兼精岐黃術其當

時事蹟不可攷相傳名朝

字字濟字僞廬常州以醫

濟世頗效尤願身後濟人



沒後屢彰靈跡迺及身不
得志復於身後行其仁術
誠禱無虛諸記傳述言之
鑿々噫其立心行事一何
其偉其殆精靈不泯與夫
名醫載錄始自桐雷迨後

雲山之所呂傳也余奉

命重來鎮守兩浙與常相連帶

水亦嘗耳詳雲山之名而
未之徵信也茲者張君頌
元呂同人所集諸傳記彙
刊示世來乞余序竊惟諸



記傳述所載靈蹟綦詳特
以其立心苦志卓然抗乎
古人者余安得呂無言也
乎亦以善之從長相為表
揚之意云爾是為序
時在光緒十九年歲次昭

陽大荒落秋九月

鎮浙將軍蘇完吉和書
於藹然軒



序

常郡故有總司徒廟自陽湖縣
分治改祀城隍神右肖明醫劉
雲山先生像邑人士崇奉甚虔
相率稱為仙師仙師名朝字濟
宇明末人系出江陵跡留江左



生非良相沒作良醫事畧則志
乘堪稽梗概則碑銘詳載有功
濟世者仙之所由著以德冠時
者師之所由名粵攷往昔厥有
明徵睠懷此都尤多靈異紀載
晰備可略言矣或謂乘君旣謝



而投匕藥為降壇彌勒拯危急
而眎良方功有逾於著書者一
也或謂上醫不作庸醫間生旦
甫讀金匱之篇暮誇精玉樞之
要妄烏頭可帝壹蜚母為君客
奇之府無司君主之官必混懸



方肘後安望延齡納斧胸中無
難伐性何不言探齡素畧示鉛
黃抑知寓言易流於矯每啓河
間之結濇異端攻憲其過必襲
高陽之紕紛奚若分九天金液
之精賜之勺水在五部玉經而

外畀以寸丹功有逾於指迷者
二也或又謂黃壤埋骨不沒者
性靈拱木斂魂不祧者俎豆是
呂展季有禁樵之壟廣川留下
馬之祠黃土一坏清名萬古然
劫灰再歷陵谷且遷兵燹中經

金石為碎惟仙師墓則歸歸未
改廟則翼翼獨存者豈帝軒痊
玉之鄉鬼鬼固當戀此子晉昇
仙之地靈氣獨鍾在茲哉蓋神
應邁倫必有懷恩之館靈澤廣
被詎無報德之陵旣靈響之常

昭宜宅宮之再廓藜蒿重翦軼
思邈之墓而獨傳薤薤咸新縣
扁靈之祀而更遠彼夫掛虺證
效援熊示奇殫瘞灸影之功徒
柳針茅之異要皆鞭赭草木消
息圭刀雖能行其道於生前未



有神其術於死後其功如彼尚
有傳世之書其德若斯能無靈
徵之錄用付梨棗臣彰神功是
為序光緒歲次癸巳中秋上浣
知常州府事長白子霈桐澤

